

焦氏易林注

尚秉和注



焦氏易林注

周禮著



尚秉和注

焦氏易林注

下

中國書局

焦氏易林注卷八

行唐尙秉和節之注

受業 蒲城件道益

豐潤董維城校刊

坎之第二十九

坎

有烏黃足歸呼季玉從我睢陽可避刀兵與福俱行有命久

長

互艮為烏震為足為黃故曰黃足震為歸為呼為玉艮為季故曰季玉震為從艮為我納丙又為視故曰睢陽艮為刀兵坎隱故可避刀兵○烏黃宋元本作黃烏從汲古此似有故事

乾

太王為父季歷孝友文武聖明仁德興起孔張四國載福綏

厚

乾為王為父為始故曰太王下兼用遇卦坎象互艮為季為時為友故曰季歷孝友季歷文王父也伏離為文震為武坎為聖艮為明故曰文武聖明震為仁德為興起為孔為張艮為國震卦敷四故曰四國震為福為車故曰載福也○

孔宋元本作弘依汲古

坤

猿墮高木不踈手足保我金玉還歸其室

詳否之臨惟此全用坎象艮猿震木

艮手震足艮金玉震玉艮室震歸○金玉汲古訛金生依宋元本

屯

重耳恭敏遇讒出處北奔戎狄經涉齊楚以秦伐懷誅殺子

圍身爲伯主

坎爲耳坤爲重故曰重耳初至五正覆震故曰讒震爲出奔坤爲北爲戎狄故曰北奔戎狄伏

巽爲齊震爲楚爲伐爲伯主坤爲誅殺爲圍爲身○伐汲古作伐從宋元本

蒙

倚鋒據戟傷我胸臆耗折不息

艮爲鋒戟坤爲胸臆爲傷爲耗震爲息坤死故不息○耗

宋元本作拜依汲古

需

狗冠雞步君失其所出門抵山行者憂難水灌我園高陸爲

泉

伏晉艮爲狗爲冠雞步猶雞禍凡裁害之神皆曰步乾爲君坎爲失坤爲門坤上艮故曰出門抵山震爲行震覆故

難艮爲園坎水坤水故曰水灌我園高陸爲泉高陸艮也○狗冠五行志昌邑王見大白狗冠方山冠而無尾未幾廢周

禮夏官校人冬祭馬步注馬步謂神爲馬災害者又地官注凡人物裁害之神皆曰步難步卽五行志所謂難禍宋元本訛難依汲古兌爲難

訟

眾鳥所翔中有大怪丈身長頭爲我驚憂

坎眾鳥故曰眾鳥坎爲中爲怪乾

爲大伏坤爲身坎爲憂○丈身宋元本作爪牙依汲古頭汲古作頸依宋元本乾首互異爲長故曰長頭

師

雷行相逐未有休息戰於平陸爲夷所覆

詳坤之泰雷依宋元本汲古作虎

比

再鑿龍門通利水泉同注滄海民得安土

艮爲門爲鑿伏乾爲王故曰禹爲龍

故曰龍門坎水坤水故曰通利水泉坤爲海爲民爲安爲土○土汲古作然依宋元本

畜小

堯舜仁德養賢致福眾英積聚國無寇賊

乾爲帝故曰堯舜乾爲仁爲賢爲福

兌爲食故曰養賢伏坤爲積聚爲國坎爲賊坎伏故無○元本下多商人失利來爭寶貨二句與上文不協依宋本汲古刪

履

陸居少泉山高無雲車行千里塗不污輪渴爲我怨

伏震爲陸爲居

爲山坤爲雲坎爲泉坤坎皆伏故曰少泉曰无雲震爲車爲行坤爲千里坎爲泥塗爲輪爲污坎下震上故輪不污坎爲怨艮火故渴全用伏象

泰

朝視不明夜不見光暝抵空床季女奔亡愴然心傷

震爲朝坤黑故

不明坤爲夜爲暝故不見光伏艮爲床兌爲季女震往故曰奔坤爲亡爲心爲憂○首二句汲古作朝不見光暮不見明茲依宋元本暝宋本作皆元本作杳茲依汲古

否

齊魯永國仁聖輔德進禮雅言定公以安

異齊伏兌爲魯坤爲國乾爲永故曰

齊魯永國乾爲仁聖坤爲禮乾爲言艮爲定爲安乾爲公故曰定公以安○永宋元本作求依汲古進汲古作造依宋元本左傳定十年會齊侯於夾谷孔子相齊人鼓譟以進孔子歷階數之齊人服罪

同人

東帛玄圭君以布德伊呂百里應聘輔國

互巽爲帛乾爲玉爲圭爲玄故曰東

帛玄圭乾爲君伏震爲音故曰伊吾伊讀書聲也爲樂故曰呂伏坤爲百里爲國言湯文秦穆以璧帛聘伊尹呂望百里奚爲輔也

有大

棘鈞我禱為絆所拘靈巫拜祝禍不成災東山之邑中有土

服可以饒飽

伏比坎為棘坤為禱艮止故曰絆曰拘本卦兌為口故曰巫祝坤為禍災艮為山為邑離位東

故曰東山艮為果菘為土服服菘同詩小雅象弭魚服周禮素服箋與注皆作菘是其證上服即蘆菘爾雅釋草菘蘆菘注菘宜為菘蘆菘蕪菁屬今俗所謂蔓菁可食故下云可以饒飽坎為飽○祝宋本元本作禱依汲古土服汲古作肥土依宋元本

謙

門燒屋燔為下所殘西行出戶順其道里虎卧不起牛羊歡

喜

艮為門屋為火故燔燒坤為下為殘為戶震為行坎西故曰西行艮為道里為虎艮止故不起坤為牛伏兌為羊震為喜○里汲古作理依宋元本

豫

墻高蔽目崑崙翳日遠行无明不見權叔

艮為墻為山高為翳蔽故曰无明震為行為權艮為叔○自宋元本作日日作月今依汲古

隨

天地際會不見內外祖辭遣送與世長訣

艮陽在上為天震陽在下為地艮震

相對故曰際會曰內外震爲祖道祭也兌毀折巽隕落故曰與世長訣

蠱

深水難涉泥塗至轂牛罷不進濘陷爲疾

互大坎故曰深水曰泥塗坎爲轂艮

爲牛艮止故不進坎陷坎疾○泥塗宋元本作塗難爲作我今依汲古

臨

羊驚虎狼聳耳羣聚无益於僵爲齒所傷

兌爲羊震爲驚伏艮爲虎狼兌爲耳

坤爲羣爲聚兌爲齒爲傷○虎狼宋元本作狼虎茲依汲古第二句各本作獼猴羣走依旣濟之異校

觀

履蛇躡虺與鬼相視驚恐失氣如騎虎尾

巽爲蛇虺伏震在上故曰履蛇躡虺

坤爲鬼艮爲視震爲驚恐巽爲臭故曰氣巽隕故失氣震爲騎艮爲虎爲尾○恐宋元本作哭依汲古

嗑

車驚人墮兩輪脫去行者不至主人憂懼締結復解夜明爲

喜震爲車爲驚爲人在下故曰人墮坎爲輪伏兌數二故曰兩輪坎破故脫去震爲行坎隱伏故不至震爲主人坎爲

憂爲夜齒爲明故曰夜明禮記夜明祭月也左傳恒星不見夜明也又拾遺記炎帝時有石磷之玉號曰夜明以闇投水浮而不滅○墮汲古作傾至作止主人作人生均依宋元本

賁

南販北買與怨為市利得百倍

震為商賈為南坎為北故曰南販北買坎為怨論語放於

利而行多怨伏巽為市為利震為百巽為倍○怨汲古作喜依宋元本百倍宋元本作自治依汲古

剝

延陵適魯觀樂太史車麟白顛知秦興起卒兼其國一統為

主 詳大畜之离麟汲古訛隣依宋元本

復

出門逢患與福為怨更相擊刺傷我手端

此用遇卦坎象互艮為門震為出坎

為患故曰出門逢患震為福坎為怨艮為擊刺正反艮故更相擊刺相擊故手受傷○患汲古作惡怨更作患反均依宋元本福宋元本作禍依汲古

无妄

獐鹿羣走自然燕喜公子好遊他人多有

艮為獐鹿伏坤為羣震為走為喜為

公為子○羣宋元本作同然作燕燕作嘉均依汲古

大畜

恭寬信敏履福不殆從其邦域與喜相得

乾為福上震故曰履福曰喜艮為邦

頤

欲飛无翼鼎重折足失其福利苞羞為賊

震為飛為翼坤亡故无翼震為鼎為

足坤爲重爲敗故折足乾爲福巽爲利乾巽皆伏故曰失其
福利坤爲羞在中故曰苞羞○福宋元本作喜依汲古苞汲
古作庖依宋元本

大過

府藏之富王以賑貨捕魚河海罟網多得

伏頤坤爲府藏爲富震爲王爲賑言

王以其富賑民也坤爲魚爲河海艮手爲捕互大離故曰罟網坤爲多

離

陰生麀鹿鼠舞鬼哭靈龜陸處釜甑塵土仁智盤桓國亂無

緒

通坎震爲鹿艮爲鼠坎爲鬼震爲哭爲釜甑爲仁艮爲龜爲鹿爲塵土爲盤桓爲國○麀汲古作麓土作生均依宋元本處宋元本作蒙塵作草均依汲古緒汲古作歡茲依宋元本

咸

風塵暝迷不見南北行人失路復反其室

伏損坤爲風爲迷艮爲塵震南坤北

兌昧故不見震爲行人爲道路坤迷故失路艮爲室震爲反○暝迷汲古作坎坳行人失路作行迷失利茲依宋元本

恆

金革白黃宜利戎市嫁娶有息商人悅喜

通益艮爲金爲革巽白震黃故曰金

革白黃坤爲戎狄巽爲利市故曰宜利戎市震爲嫁爲商人爲喜○戎元本訛戒

遯

匏瓜之德宜繫不食君子失與官政懷憂

艮為匏瓜巽為繫兌口為食兌覆故

不食論語吾豈匏瓜也哉焉能繫而不食艮為君子震為輿覆故失與艮為官○輿元本詭與依汲古政汲古作正依宋元本

壯大

乘船渡濟載水逢火賴得免患我有所恃

震為船乾為江河故曰渡濟伏坤為

水艮為火故曰載水逢火坤為患為我○我有宋元本作蒙我依汲古

晉

道險多石傷車折軸與市為仇不利客宿

艮為道為石坎險故曰道險多石坎

為車為軸為多眚故傷車折軸艮為宿震為客震覆故不利○險宋本作途元本作塗依汲古

明夷

託寄之徒不利請求結衿無言乃有悔患

艮為請求艮覆故不利震為襟坤閉

故曰結衿震為言坤括囊故無言坎為患結衿乃罪人就刑時結束之狀坤為死坎為刑故有此象

家人

三羊爭雌相逐犇馳終日不食精氣竭罷

詳乾之大畜○首句汲古作三年爭

妻茲依宋元本然卦无羊象易大壯上六有羊象上六體震疑易以震為羊茲曰三羊似亦以伏震為羊

睽

退惡防患見在心苗日中之恩解釋倒懸

第二句汲古无依宋元本增日中之

恩汲古作日之中息依宋元本苗應為田與下懸韻梁簡文帝大法頌澤雨無偏心田受潤

蹇

兩足四翼飛入嘉國寧我伯姊與母相得

詳賁之同人

解

寒露所淩漸至堅冰草木瘡傷華落葉亡

坎為寒為露為冰又為堅故漸至堅

水震為草木坎為破故為瘡震為花葉伏巽為落故葉落花亡○所凌宋元本作所降漸作凌茲依汲古冰宋本訛水

損

后稷農功富利我國南畝治理一室百子

震為稷坤為富利為國為畝震為南

故曰南畝艮為治理為室震為子坤為百故曰百子室實也言農家治理菓蔬一實之中有百子也

益

設網張羅捕魚園池網罟自決雖得復失危訴之患受其忻

權上巽為繩坤中虛艮手故曰設網張羅巽為魚坤為園池艮擊故捕魚園池巽為敝漏故網決決絕也網決故得而

復失坤為失為患末二句有訛字義未詳○忻元本作低依汲古訴汲古作許依宋元本

夬

路輿縣休侯伯恣驕上失其威周室衰微

威宋元本作盛依汲古衰汲古作相

依宋元本輿多訛爲與路輿大車也見左傳桓二年疏又周禮春官王之五路路車乃天子之乘縣休不用其衰可知天子之所以衰以侯伯驕恣不奉王命也夫伏剝坤爲大輿故曰路輿艮一陽止於上故曰縣休震爲諸侯爲威爲周震反於上故曰驕恣震覆故失其威故周室衰微坤爲失艮爲室也

姤

逐走追亡相及扶桑復見其鄉使我悔喪

伏復震爲逐爲走震爲桑又爲東故

及於扶桑坤爲鄉爲我爲悔爲喪山海經日浴扶桑

萃

履祿綏厚載福受祉衰微復起繼世久長疾病獻麥晉人赴

告

通大畜震爲履乾爲祿爲厚爲福爲祖巽隕落故曰衰微震爲起故曰衰微復起坤爲世巽爲長坤爲疾病震爲麥爲晉爲人爲告左傳成十年晉侯欲麥使甸人獻麥將食而卒赴告者赴君喪於各國也○祿元本作福依宋本作汲古福受汲古作受福依宋元本獻麥汲古作无危宋元本作獻凌宋本云當作麥從之

升

鰥寡孤獨祿命苦薄入宮无妻武子哀悲

坤巽皆爲寡故曰孤獨震爲祿巽爲

命巽寡故苦薄伏艮爲宮巽爲妻爲入坤喪故曰无妻震爲武爲子坤爲哀悲武子崔杼杼將娶棠姜筮得困三爻曰入

其宮不見其妻後果得禍

困 山沒邱浮陸為水魚燕雀無巢民无室廬

詳觀之大有

井 冠帶南遊與福喜期徼於嘉國拜位逢時

伏噬嗑艮為冠巽為帶離為南故冠

帶南遊伏震為福喜艮為國為位為時○徼於汲古作邀遊

依宋元本位宋元本作為非依汲古

革 東行亡羊失其羝牂少女无夫獨坐空廬

通蒙震為東兌為羊坤喪故亡羊兌

為少女震為夫坤喪故无夫艮為坐為廬坤虛故曰空廬

鼎 探雀捕魚耕田捕鱸費曰无功右手空虛

通屯艮為雀艮手故曰探曰捕坤為

魚為田震為耕夫探雀得魚耕田得鱸二者皆必无之事故曰无功艮為日兌右坤虛○空虛汲古作虛空依宋元本

震 東行飲酒與喜相抱福為吾家利來從父水澤之徒望邑而

處震為東坎為酒震口故曰飲酒震為喜艮手為抱正反艮故曰相抱艮為家震為父伏巽為利坎為水艮為望為邑

○父汲古作母從宋元本

良

妄怒失精自令畏悔怵怵之懼君子无咎

震為怒坎為畏懼良為君子○第三

句汲古作恰恰之懼依宋元本

漸

白雲如帶往往來處飛風送迎大雹將下擊我禾稼僵死不

起

巽為白為帶坎為雲巽進退故曰往來曰送迎良為震為擊巽為禾稼坎陷故曰僵○來宋元本作旗依汲古

林

南至之日陽消不息北風烈寒萬物藏伏

離為南為日日南至冬至純陰極寒

故曰陽消不息伏巽互坎故曰北風坎為寒為伏震為萬物故曰萬物藏伏

豐

火中仲夏鴻雁解舍體重難移未能高舉君子顯名不失其

譽

月令季夏之月昏火中火星也仲當為季火謂鶉火屬南方高為星為火為夏伏良為季故曰季夏震為鴻雁中

互大坎故曰難移故不能高舉伏良為君子為名譽解舍言天暑而棄其巢也○舉宋元本作舞解作來均依汲古季夏

各本皆作仲夏與月令不合定為訛字

北行出門履踏躓顛踈足據塗污我襦袴

伏節坎北震行良門故曰北行出門

震為履蹈坎為蹇故曰躓顛曰踈足躓踈皆跌也坎為汚震為禱袴

異 輕車駸祖疾風暴起促亂祭器飛陽鼓舞明神降佑道无害

寇兼用震象詳豫之大畜○疾宋元本作焱依汲古佑元本作祐鼓舞宋元本作錯華均依汲古

兌 酒為歡伯除憂來樂福喜入門與君相索使我有得伏艮互坎為酒

震為歡為伯酒譜昔人謂酒為歡伯坎為憂艮為門震為福喜為君艮為求正反艮故曰相索艮為我○得宋元本作德依汲古

渙 三足孤烏靈明督郵司過罰惡自賊其家毀敗為憂五行志日中有

三足烏震為足數三故曰三足艮為黔喙故曰烏艮為龜故曰督郵詳小畜之未濟震為郵○靈明汲古作虛鳴依宋元本督郵為郡督察官自西漢至魏晉皆有之陶淵明不肯為督郵折腰者是也

節 三河俱合水怒湧躍壞我王屋民飢於食詳蠱之頤節中互頤故詞同○湧宋

本汲古作踴茲依元本